



“PREMI CANDONI

OPARIS TEATRÂLS IN LENGHE FURLANE”

PREMI PES DRAMATURGJIS TEATRÂLS IN LENGHE FURLANE

**La Associazion Culturâl “Luigi Candoni”,
cu la poie de ARLeF - Agenzie Regionâl pe Lenghe Furlane,
in colaborazion cun Fondazione Teatro Nuovo "Giovanni da Udine" e cun
MateâriuM - Laboratorio di nuove drammaturgie,**

E ORGANIZE,

**te suaze de manifestazion “PREMI CANDONI”,
la seconde edizion dal CONCORS - ATELIER “PREMI CANDONI –
OPARIS TEATRÂLS IN LENGHE FURLANE”.**

Par puartâ indenant la ativitât di promoziun de drammaturgie contemporanie di Luigi Candoni fate dai agns ‘50 ai agns ‘70 dal Nûfcent e lade indenant tai agns dopo cul “Premi Candoni”, **il CONCORS -ATELIER “PREMI CANDONI – OPARIS TEATRÂLS IN LENGHE FURLANE”**

AL INTINT:

- promovi e pandi la lenghe furlane tal setôr de formazion drammaturgjiche;
- promovi gnûfs tescj in lenghe furlane pe produzion di spetacui teatrâls professionâi;
- disvilupâ ativitâts drammaturgichis e teatrâls suntune progjetualitât amplie par realizâ il program “Il furlan lenghe dal Teatri”;

L'ATELIER

Dopo de prime edizion (2019) che tal so svilup e à vût tant che protagoniste la “Strutture dal test dramaturgic”, o passin a une seconde fase (2020) cul aprofondiment de specificitât linguistiche furlane e la esplorazion de nature sostanziâl dal test dramaturgic midiant de testimoniance dai Autôrs.

Ogni participant al podarà acedi a cuatri incuintris/conference dividûts in:

- 2 incuintris su la grafie uficiâl de lenghe furlane;
- 2 conferencis lezioni su la scriture teatrâl par cure di dramaturcs.

I incuintris dal CONCORS-ATELIER si fasaran li dal Teatro Nuovo Giovanni da Udine daûr di chest calendari:

Joibe a 01, 08, 15 e 22 di Otubar 2020 des 18.30 aes 20.00

IL CONCORS

I participants a varan di mandâ i elaborâts daûr des indicazioni specificadis tal regolament.

La Jurie dal Premi e leiarà lis oparis e e votarà, stabilint la graduatorie dai tescj premiâts: Prin Classificât, Secont Classificât e Tierç Classificât (lis cundizions dal premi a son specificadis tal regolament).

Il CONCORS-ATELIER si sierarà cu la cerimonie di premiazion dulà che si fasarà la leture seniche dal test teatrâl Prin classificât.

MODALITÂT DI PARTECIPAZION AL CONCORS-ATELIER E REGOLAMENT

1. AI CONCORS “PREMI CANDONI – OPARIS TEATRÂLS IN LENGHE FURLANE” a puedin partecipâ i citadins e lis citadinis talians che a vedin almancul 18 agns.
2. AI CONCORS “PREMI CANDONI – OPARIS TEATRÂLS IN LENGHE FURLANE” si puedin presentâ dome dramaturgjiis teatrâls in lenghe furlane; a son ametudis dutis lis variants dal furlan; a son ametûts tocs dal test in altris lenghis o dialets regionâi che no sedin plui dal 10% dal contignût de opare. I tescj a varan di jessi te grafie uficiâl de lenghe furlane. Il Sportel Regionâl pe Lenghe Furlane al è disponibil a dâ assistence scrivint ae direzion e-mail: info@sportelfurlan.eu

3. I participants a varan di consegnâ lis lôr oparis completis tal rispjet des scjadincis e des modalitâts specificadis al pont 6 di chest regolament. Lis oparis no completis, parziâls, in vie di rielaborazion o che no rispjetin il pont 2 di chest regolament a saran esclududis dal CONCORS.
4. I incuintris dal ATELIER si fasaran tai spazis dal Teatri Gnûf “Giovanni da Udine”. La partecipazion ai incuintris dal ATELIER e je conseade ai fins dal progjet ma no je obligatorie.

La Premiazion cu la leture seniche dal test vincidôr si fasarà ai ... di Dicembar dal 2020 li dal Teatri Gnûf “Giovanni da Udine”.

5. Par acedi al CONCORS-ATELIER “PREMI CANDONI – OPARIS TEATRÂLS IN LENGHE FURLANE”, si à di:
 - ☑ versâ la cuote di partecipazion di € 50,00 sul cont de Associazion Culturâl “Luigi Candoni”: Bcc Credito Cooperativo Banca Di Carnia E Gemonese Ag. Di Tolmezzo; Cod. Iban: **IT97N0863764320019000070246**; cu la causâl “Iscrizione alla seconda edizione 2020 del CONCORSO-ATELIER PREMIO CANDONI - OPERE TEATRALI IN LINGUA FRIULANA”;
 - ☑ mandâ la e-mail ae direzion di pueste eletroniche associazionecandoni@gmail.com cun: ricevude dal paiament, dâts anagrafics, contats e curriculum vitae dentri des 24.00 dai 26 di Setembar dal 2020.
6. **I Participants** a varan di mandâ cun raccomandade indreçade ae Associazion culturâl “Luigi Candoni” (la casele postâl e vignarà comunicade al moment de iscrizion) **dentri dai 13 di Novembar dal 2020** (si tignarà cont de date di spedizione de raccomandade), un pac cun dentri:
 - N° 4 COPIIS DE OPARE;
 - DECLARAZION FIRMADE DAL AUTÔR/AUTORE CHE E ATESTE LA ORIGINALITÂT DE OPARE E IL FAT CHE LA OPARE, O CUALCHI SÔ PART, NO JE MAI STADE PUBLICADE/RAPRESENTADE;
 - MODUL COMPILÂT E FIRMÂT DULÀ CHE L’AUTÔR/AUTORE AL DA AE ASSOCIAZION CULTURÂL “LUIGI CANDONI”, A TITUL GRATUIT E IN VIE **NO ESCLUSIVE**, IL DIRIT DI DOPRÂ, RIPRODUSI, DIVULGÂ CENCE ALTRIS OBLICS I MATERIÂI REALIZÂTS TE SUAZE DE INIZIATIVE PROGJETUÂL DENOMINADE “PREMI CANDONI – OPARIS TEATRÂLS IN LENGHE FURLANE”.
7. NO RISPIETANT ANCJE DOME UNE SOLE DES RICHIESTIS, SI VIGNARÀ ESCLUDÛTS DAL PREMI.

8. A cjâf de Jurie, componude di professioniscj dal teatri e de critiche teatrâl, al sarà Giuliano Bonanni – Diretôr artistic de Associazion culturâl “Luigi Candoni”.

La Jurie e valutarà lis oparis su la fonde di:

- valence sociâl e culturâl dal materiâl dramaturgic;
- ûs de lenghe furlane;
- fatibilitât de metode in sene de opare.

9. Daûr des valutazions/votazions de Jurie, si individuaran i prins trê tescj teatrâls che a saran classificâts tant che:

- Prin classificât
- Secont classificât
- Tierç classificât

10. Il PREMI pal Prin classificât al è di € 1.500,00 (mil e cinccent/00);

Il PREMI pal Secont classificât al è di € 300,00 (tresinte/00);

Il PREMI pal Tierç classificât al è di € 200,00 (dusinte/00).

A ogni participant al CONCORS – ATELIER i vignarà dât un atestât di partecipazion.

Lis trê oparis teatrâls finalistis a saran publicadis, dopo une revision dome de grafie uficiâl de lenghe furlane di bande dal Sportel Regjonâl pe Lenghe Furlane de ARLeF, sul sît de Agenzie (si podaran consultâ lis oparis ma par doprâlis bisugnarà vê la autorizazion dal Autôr).

11. Lis decisions de Jurie dal “PREMI CANDONI - OPARIS TEATRÂLS IN LENGHE FURLANE” a son insindicabilis.

PAR INFORMAZIONI SCRIVI A: associazionecandoni@gmail.com

Par contats direts, telefonâ al numar: 328/6581842